

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR

STRUČNA SLUŽBA ZA POSLOVE OPĆINSKOG VIJEĆA

THE SERVICE OF THE MUNICIPAL COUNCIL

Broj: 17-interno/22-
Ilidža, 07.10.2022.godine

OPĆINSKI NAČELNIK

SAGLASNOST:

Nermin Muzur
Općinski načelnik
Nermin Muzur, magistar uprave

17.10.2022

PREDMET: Davanje saglasnosti Općinskog načelnika na materijal za sjednicu Općinskog vijeća

U prilogu Vam dostavljamo materijal koji je izradila Stručna služba za poslove Općinskog vijeća kako bi na isti dali svoju saglasnost i to:

Prijedlog Odluke o objavljivanju javnog oglasa za imenovanje dva člana Općinske izborne komisije.

PREDSJEDAVALAČI
Tarik Stambolić
Tarik Stambolić, magistar poslovnog prava

DOSTAVLJENO:

1. Naslovu
2. a/a





Prijedlog

ODLUKA
O OBJAVLJIVANJU JAVNOG OGLASA ZA IMENOVANJE DVA ČLANA
OPĆINSKE IZBORNE KOMISIJE ILIDŽA

Nosilac pripreme materijala:
Stručna služba za poslove Općinskog vijeća

Ilidža, oktobar 2022.godine





Broj: 01-02-_____.
Ilidža, _____ godine

Na osnovu člana 2.12. stav (5) Izbornog zakona Bosne i Hercegovine („Službeni glasnik Bosne i Hercegovine“, broj 23/01,7/02, 9/02, 20/02, 25/02-ispravka, 4/04, 20/04, 25/05, 52/05, 65/05-ispravka, 77/05, 11/06, 24/06, 32/07, 33/08, 37/08, 32/10, 18/13, 7/14,31/16,41/20,38/22,51/22, 67/22) i člana 7. tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 1/22 – Prečišćeni tekst, 13/22), Općinsko vijeće Ilidža na ___ redovnoj sjednici održanoj dana _____ godine, donijelo je

O D L U K U
O OBJAVLJIVANJU JAVNOG OGLASA ZA IMENOVANJE
DVA ČLANA OPĆINSKE IZBORNE KOMISIJE ILIDŽA

I

- (1) Općinsko vijeće Ilidža objavljuje javni oglas za imenovanje dva člana Općinske izborne komisije Ilidža.
- (2) Člana Općinske izborne komisije imenuje Općinsko vijeće Ilidža uz saglasnost Centralne izborne komisije Bosne i Hercegovine na period od 7 godina, a mandat mu teče od dana davanja saglasnosti Centralne izborne komisije BiH.

II

Kandidat za člana Općinske izborne komisije mora ispunjavati sljedeće opće uslove:

- a) da je lice sa pravom glasa
- b) da je lice sa odgovarajućom stručnom spremom i iskustvom u provedbi izbora.

III

- (1) Pored općih uslova iz tačke II ovog javnog oglasa kandidat za člana Općinske izborne komisije mora ispunjavati i sljedeće posebne uslove:
 - a) da ima prebivalište u Općini Ilidža
 - b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS
 - c) da posjeduje iskustvo u provođenju izbora
- (2) Pod iskustvom u provođenju izbora podrazumijeva se:
 - a) članstvo u izbornoj komisiji
 - b) članstvo u biračkom odboru na izborima obuhvaćenim Izbornim zakonom BiH
- (3) Izuzetno, u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi



primjene člana 2.14 stav (1) Izbornog zakona BiH, vodeći računa o posljednjem popisu stanovništva.

- (4) Izuzetno, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH.

IV

Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

V

- (1) Za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.
- (2) U skladu sa članom 2.3. i članom 2.12. stav (7) Izbornog zakona BiH za člana Općinske izborne komisije ne može biti imenovano lice:
- a) koje se ne može kandidovati u smislu člana 1.6, 1.7 i 1.7. a) Izbornog zakona BiH
 - b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora)
 - c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH
 - d) koje je kandidat za izbore za bilo koji nivo vlasti
 - e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke
 - f) koje je zastupnik odnosno punomoćnik političkog subjekta koji učestvuje na izborima niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

VI

- (1) Sastav Općinske izborne komisije Iliđža treba biti multietničan i održavati zastupljenost konstitutivnih naroda u općini, uključujući i ostale, a prema posljednjem popisu stanovništva provedenom na državnom nivou.
- (2) U sastavu Općinske izborne komisije osigurat će se zastupljenost spolova u skladu sa Zakonom o ravnopravnosti spolova BiH.

VII

- (1) Kandidati su dužni po ovom javnom oglasu priložiti original ili ovjerenu fotokopiju slijedeće dokumentacije:
- prijava na javni oglas za imenovanje dva člana Općinske izborne komisije Iliđža, koja mora biti svojeručno potpisana od podnosioca prijave
(prijavni obrazac sa kontakt podacima podnosioca prijave i listom dostavljenih dokumenata, koji je sastavni dio ovog javnog oglasa, kandidati mogu dobiti u zgradi



Općine Ilidža - ulica Butmirska cesta broj 12, kao i na WEB stranici Općine www.opcinailidza.ba)

- dokaz o stručnoj spremi, odnosno ovjerenu kopiju diplome o stečenoj stručnoj spremi, nostifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992.godine, u nekoj od država nastalih raspadom SFRJ , a u skladu sa propisima nadležnog organa koji vrši nostrifikaciju-priznavanje inostranih diploma
- obrazac PBA-3 o prebivalištu kandidata (ne stariji od tri mjeseca od dana izdavanja od strane nadležnog organa)
- dokaz o potrebnom iskustvu u provođenju izbora (ovjerena kopija ili izvod iz službenog glasila akta o imenovanju za člana izborne komisije, potvrda nadležne izborne komisije o imenovanju i radu u biračkom odboru u kojem je imenovani kandidat bio člana biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost)
- svojeručno potpisana i od nadležnog organa ovjerena izjava o nacionalnom izjašnjenju kandidata sa posljednjeg popisa stanovništva u BiH koja obavezno sadrži tekst "sa posljednjeg popisa stanovništva u Bosni i Hercegovini "
- svojeručno potpisana i od nadležnog organa ovjerena izjava o nepostojanju smetnji iz člana 2.3.i člana 2.12 stav (7) Izbornog zakona BiH.

- (2) Ukoliko podnositelj prijave posjeduje dokaz o naučnom zvanju (mr/dr) iz oblasti prava ili iz oblasti izbora i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH jednoj ili više obuka, iste dostavlja uz prijavu na ovaj javni oglas jer se ovi dokazi u skladu sa važećim Uputstvom Centralne izborne komisije BiH dodatno boduju

VIII

Zadužuje se Komisija za izbor, imenovanja i pitanja ravnopravnosti spolova (u daljem tekstu: Konkursna komisija) koja u svom sastavu ima dva člana koji imaju izbornu iskustvo (članstvo u biračkom odboru) da u skladu sa važećim Uputstvom o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH" broj 1/22-Prečišćeni tekst,13/22) provede propisanu procedure po ovom javnom oglasu.

Po zatvaranju ovog javnog oglasa Konkursna komisija vrši pregled i klasifikaciju kandidata na one koji ispunjavaju uslove tražene ovim javnim oglasom i na one koji ne ispunjavaju uslove, o čemu sačinjava zapisnik.

Konkursna komisija je obavezna obavjestiti pisanim putem sve prijavljene kandidate o rezultatima izvršene klasifikacije.

Konkursna komisija dostavlja pisani poziv kandidatima koji ispunjavaju uslove propisane ovim javnim oglasom koji obavezno sadrži datum i termin zakazanog intervjua.

Sa kandidatima koji ispunjavaju uslove ovog javnog oglasa Konkursna komisija obavlja intervju, vrši bodovanje i sačinjava rang listu sa redoslijedom kandidata prema uspjehu (ukupnom broju bodova). Konkursna komisija podnosi pisani izvještaj Općinskom vijeću o provedenom postupku kvalifikacije kandidata i prijedlog rang liste.

Općinsko vijeće cijeneći položaj kandidata na dostavljenoj rang listi donosi rješenje o imenovanju dva člana Općinske izborne komisije Ilidža, koje se dostavlja sa potrebnom dokumentacijom na saglasnost Centralnoj izornoj komisiji BiH u skladu sa članom 13. Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 1/22 – Prečišćeni tekst, 13/22).

Napomena: Kandidati koji budu pozvani na intervju dužni su Konkursnoj komisiji dati na uvid važeći identifikacioni dokument (lična karta, vozačka dozvola ili pasoš).



IX

Ovaj javni oglas objavit će se na web stranici općine ilidža i u dnevnom listu „Dnevni avaz” u formi obavještenja.

X

Rok za podnošenje prijava je osam dana od dana objavljivanja u dnevnom listu „Dnevni avaz”.

XI

Prijave na javni oglas sa potrebnim dokumentima dostavljaju se u zatvorenoj koverti na protokol Općine Ilidža ili putem preporučene pošte na adresu:

Općina Ilidža – Općinsko vijeće Ilidža – Komisija za izbor, imenovanja i pitanja ravnopravnosti spolova
Ulica Butmirska cesta broj 12, Ilidža
Uz naznaku „Prijava na javni oglas za imenovanje dva člana Općinske izborne komisije Ilidža - NE OTVARATI“.

Nepotpune i neblagovremene prijave neće se uzeti u razmatranje.

Za sve dodatne informacije možete se obratiti Stručnoj službi za poslove Općinskog vijeća na telefon broj 033 775-792

Ovaj oglas je objavljen dana _____ u dnevnom listu “Dnevni avaz”

PREDSJEDAVALAČI

Tarik Stambolić, magistar poslovnog prava

DOSTAVLJENO:

1. Općinski načelnik
2. Centralna izborna komisija BiH – na znanje
Ul. Danijela Ozme br.7 Sarajevo
3. Služba za opću upravu
4. Stručna služba - Kabinet općinskog načelnika - za objavu
u dnevnom listu „Dnevni avaz” i web stranici općine Ilidža
5. Stručna služba za usklađenost,
integritet i kontrolu kvaliteta
6. Komisija za izbor, imenovanja i pitanja ravnopravnosti spolova
7. Evidencija
8. a/a



Butmirska cesta br. 12, 71210 Ilidža, Sarajevo, BiH, tel/fax. +387 33 775-732 i 775-731,
centrala 775-600, www.opcinailidza.ba, E-mail: vijece@opcinailidza.ba





PRIJAVNI OBRAZAC

(Ime i prezime)

(Adresa – kontakt telefon i mail adresa)

PREDMET: Prijava na Javni oglas za imenovanje dva člana
Općinske izborne komisije Ilidža

Prijavljujem se na Javni oglas za imenovanje dva člana Općinske izborne komisije Ilidža,
objavljen dana _____ u dnevnom listu „Dnevni avaz“

i o sebi dajem slijedeće podatke:

Rođen-a _____ godine u _____ Općina _____

stepen stručne spreme _____, zanimanje _____ zaposlen-a

u _____ na poslovima _____

Kraća biografija:

Dostavljena dokumentacija u prilogu prijave:

Podnosilac prijave



Obrazloženje

Pravni osnov

Pravni osnov za donošenje navedene odluke je član 2.12. stav (5) Izbornog zakona BiH kojim je propisano da članove Općinske izborne komisije imenuje Općinsko vijeće uz saglasnost Centralne izborne komisije BiH, a na osnovu javnog oglasa po proceduri koju utvrđuje Centralna izborna komisija BiH posebnim propisom.

Centralna izborna komisija je u skladu sa naprijed navedenom odredbom Izbornog zakona BiH, kao poseban propis, donijela Uputstvo o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini (u daljem tekstu:Uputstvo) , i na osnovu člana 7 tačka a) navedenog Uputstva, Općinsko vijeće donosi Odluku o objavljivanju javnog oglasa za imenovanje člana/članova izborne komisije.

Razlozi za donošenje

U skladu sa Odlukom o broju članova izborne komisije osnovne izborne jedinice u Bosni i Hercegovini ("Službeni glasnik BiH", broj 27/22) utvrđeno je da Općinska izborna komisija Iliđža broji 7 članova i da je mandat članova Općinske izborne komisije 7 godina. Članovi Općinske izborne komisije Iliđža su :

R/B	IME I PREZIME		MANDAT TEČE OD	SNKS
1	MERIMA IMAMOVIĆ	predsjednik	15.12.2021.godine	52/21
2	DRAGAN KAPOR	član	21.05.2015.godine	21/15
3	SELMA KAROVIĆ	član	21.05.2015.godine	21/15
4	IBRAN AVDIĆ	član	02.07.2020.godine	27/20
5	AIDA GODINJAK	član	02.07.2020.godine	27/20
6	VANJA MILIDRAG	član	02.07.2020.godine	27/20
7	DARKO RIMAC	član	02.07.2020.godine	27/20

Članovima Općinske izborne komisije, Draganu Kaporu i Selmi Karović, mandati su istekli 21.05.2022. godine i u skladu sa važećim Uputstvom Centralne izborne komisije obaveza Općinskog vijeća je da najkasnije u roku od 60 dana prije isteka mandata, odnosno 30 dana prije isteka mandata, ako mandat ističe u izbornoj godini, donese Odluku o objavljivanju javnog oglasa za imenovanje članova izborne komisije.

Centralna izborna komisija BiH je dana 20.01.2022. godine dostavila svim općinskim/gradskim vijećima i skupštinama općine/grada (akt broj: 06-1-07-1-69-9/22 od 13.01.2022. godine) zahtjev za razrješenje i imenovanje predsjednika i člana izborne komisije.

Navedenim aktom Centralne izborne komisije pojašnjeno je da u slučajevima kada članu/članovima izborne komisije mandati ističu nakon 15.02.2022. godine, nadležni organ je dužan voditi računa o isteku mandata, odnosno objaviti javni oglas u skladu sa članom 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 01/22 – Prečišćeni tekst, 13/22) i provesti propisanu procedure.

U istom zahtjevu se navodi da ukoliko članu/članovima izborne komisije mandat ističe u izbornom periodu, u skladu sa odredbom člana 2.12 stav (4) Izbornog zakona BiH, tom



članu/članovima mandati se produžavaju do isteka izbornog perioda, odnosno do potvrđivanja rezultata izbora, nakon čega će biti imenovani novi članovi Općinske izborne komisije.

Centralna izborna komisija BiH je dana 20.04.2022.godine dostavila svim općinskim/gradskim vijećima i skupštinama općine/grada (akt broj:06-1-07-538-1/22 od 15.04.2022.godine) Izjava o nacionalnom izjašnjenju kandidata za članstvo u izbornim komisijama.Navedenim aktom Centralna izborna komisija BiH konstatuje da je u praksi uočila da javni oglasi za imenovanje članova izborne komisije općina/gradova često ne sadrže pravilno citiranu odredbu važećeg Upustva Centralne izborne komisije BiH o imenovanju članova izbornih komisija i napominju da kandidati prilikom prijave na javni oglas moraju dostaviti izjavu o nacionalnom izjašnjenju,svojeručno potpisanu i ovjerenu od nadležnog organa,koja obavezno mora da sadrži tekst” sa posljednjeg popisa stanovništva u Bosni i Hercegovini”.Provjeru sadržaja izjave o nacionalnom izjašnjenju kandidata dužna je izvršiti Konkursna komisija i zahtjevati od kandidata dostavljanja izjave na način propisan važećim Upustvom Centralne izborne komisije BiH.

Centralna izborna komisija BiH je dana 27.04.2022. godine dostavila Gradskim/općinskim vijećima i Skupštinama grada/općine (akt broj :06-1-07-1-69-14/22 od 25.04.2022.godine) u kojima u izbornom period (04.05. do 1.11.2022. godine) ističu mandati članu/članovima izborne komisije, a što podrazumjeva i Općinu Ilidža, jer članovima Općinske izborne komisije ilidža Kapor Draganu i Karović Selmi su istekli mandati 21.05.2022.godine. Ovim aktom Centralna izborna komisija BiH podsjeća općine/gradove kojima je dostavljen ovaj akt na odredbe Izbornog zakona BiH da su u ovoj situaciji članu/članovima izbornih komisija produžava mandate do isteka izbornog perioda, odnosno do potvrđivanja rezultata izbora, nakon čega se mora odmah izvršiti imenovanje novog člana/članova izborne komisije po postupku propisanim Izborni zakonom BiH i važećim Upustvom CIK BiH. Potrebno je da Općinsko/gradsko vijeće odnosno Skupština općine/grada vodi računa o datumu isteka mandata, odnosno o roku u kojem je dužno objaviti javni oglas u skladu sa Upustvom CIK BiH.Imenovanje novih članova izborne komisije se vrši na istoj sjednici kada i razrješenje članova kojima je istekao mandat, kako bi se osigurao kontinuitet izvršavanja poslova iz člana 2.13. Izbornog zakona BiH. Akt o razrješenju i akt o imenovanju člana/članova općinske/gradske izborne komisije sa potrebnom dokumentacijom se dostavlja CIK BIH radi davanja saglasnosti.

Obrazloženje pojedinih odredbi odluke

Predložena Odluka sadrži sve elemente propisane Izbornim zakonom BiH i važećim Uputstvom Centralne izborne komisije BiH i to opće i posebne uslove koje kandidati moraju ispunjavati, propisane izuzetke, odredbe Izbornog zakona BiH po kojima određena lica ne mogu biti imenovana za članove Općinske izborne komisije, pregled potrebne dokumentacije koji su kandidati dužni uz propisani prijavi obrazac priložiti, obaveze Komisije za izbor,imenovanje i pitanja ravnopravnosti spolova kao Konkursne komisije, kao i rok za podnošenje prijave po ovom javnom oglasu i njegovo objavljivanje u dnevnom listu “Dnevni avaz” i WEB stranici Općine.

Upustvom je propisano da nadležni organ imenuje komisiju za provođenje postupka po javnom oglasu (u daljem tekstu: Konkursna komisija), u čijem sastavu mora biti najmanje jedan član pravne struke i/ili osoba sa izbornim iskustvom. Odlukom o osnivanju stalnih radnih tijela Općinskog vijeća Ilidža (“Službene novine Kantona Sarajevo” broj 1/20-Prečišćeni tekst) u članu 4. stav (1) je propisan djelokrug Komisije za izbor, imenovanja i pitanja ravnopravnosti spolova koja između ostalog je nadležna da utvrđuje prijedloge za izbore, imenovanja i razrješenja iz nadležnosti Vijeća vodeći računa o ravnomjernoj zastupljenosti spolova kao i provodi utvrđenu proceduru prilikom izbora, imenovanja i razrješenja iz nadležnosti Vijeća.

Prijedlogom ove Odluke Općinsko vijeće zadužuje Komisiju za izbor, imenovanja i pitanja ravnopravnosti spolova da provede potrebnu procedure propisanu



Upustvom. U postupku izrade prijedloga ove Odluke a u skladu sa važećim Upustvom da ova Komisija koja provodi propisanu procedure u svom sastavu mora imati najmanje jednog člana pravne strukei/ili osoba sa izbornim iskustvo, Stručna služba za poslove Općinskog vijeća je kontaktirala članove Komisije Općinskog vijeća za izbor, imenovanja i pitanja ravnopravnosti spolova iz razloga ispunjavanja traženih uslova. Član ove Komisije Amar Bungur je dostavio Stručnoj službi za poslove Općinskog vijeća Uvjerenje Općinske izborne komisije ilidža (broj:20/22 od 30.03.2022. godine) kojim se potvrđuje da je Amar Bungur bio angažovan kao predsjednik biračkog odbora na Lokalnim izborima 2008.godine na biračkom mjestu 131A031. Članica ove Komisije Turković Edita je dostavila Uvjerenje Općinske izborne komisije ilidža (broj:21/22 od 30.03.2022. godine) kojim se potvrđuje da je imenovana bila angažovana kao predsjednik biračkog odbora na lokalnim izborima 2008.godina na biračkom mjestu 131A028. Na osnovu dostavljenih Uvjerenja kojim dva člana Komisije za izbor, imenovanja i pitanja ravnopravnosti spolova dokazuju da imaju izbornu iskustvo, ova Komisija je ovlaštena da provede propisanu procedure kod imenovanja dva člana Općinske izborne komisije Ilidža.

Imajući u vidu naprijed navedeno predlažemo da Općinsko vijeće donese navedenu odluku u predloženom tekstu.

